



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De  
Contractibus

**Antoine, Paul-Gabriel**

**Ingolstadii, MDCCXXXIII.**

**VD18 90392159**

Q. 2. An qui alterum læsit in bonis supernaturalibus, tenetur ad aliquam  
restitutionem?

**urn:nbn:de:hbz:466:1-40993**

naturalia, quodque non minus strictum est, quam jus ad bona externa, quæ possidet.

Item qui alteri causa est injusta damni in scientia vel arte, sive quia vi, fraude, aliave viâ injustâ aliquos prohibuit ab acquisitione vel usu earum; sive quia cuim ex officio, aut pacto teneretur alios docere, notabiliter fuit negligens in docendo, aut sine debita peritia munus docendi suscepit; sive quia culpabili- ter falsa pro veris docuit, &c. Tenetur omnia damna inde ipsis, & aliis secuta resarcire, & revocare, quæ falsa docuit: nam quia actione, vel omissione injusta posuit causam damni, tenetur causam illam tollere, & damnum omne inde secutum resarcire; alioqui injuria non tolleretur.

**Q. 2.** *An qui alterum læsit in bonis supernaturâlibus, tenetur ad aliquam restitutionem?*

*Resp. I.* Qui alterum vi, metu, vel fraude, vel alio modo injusto, induxit in peccatum, vel abduxit à bono opere, aut decepit falsâ doctrinâ contra fidem, vel bonos mores, tenetur ex justitiâ vim ac seductionem tollere, fraudem, & errorem aperire, removere causas ulterioris lapsûs, & curare, quantum fieri potest, ut alter restituatur in eum statum, de quo injustè eum dejicit, v. g. inducendo ad poenitentiam, orando Deum pro ejus conversione, &c. *Est communis.* quia est causa iusta talis damni: quilibet enim habet jus, ne

O 2

inju-

injustè lèdatur in bonis animæ, sicuti in bonis corporis. At talis injustè lèdit; nam quisque habet jus, ne decipiatur in suis bonis, & ne vis ei inferatur sine iusta auctoritate, quæ nequit esse ad peccatum, & errorem. Ergo tenetur causam damnorum, quam injustè posuit, tollere, & omnia damna jam ex ea secuta restituere. Hinc qui prava dogmata docuit, tenetur revocare, & quantum potest disseminatos errores ex animis evellerè, etiam cum damno viræ.

*Resp. II.* Ex communi qui sine vi, meu, fraude, & deceptione alium in peccatum induxit, non tenetur ei ex justitia ad restitucionem, nisi sit Prælatus, vel alijs, qui ex officio tenetur promovere bonum spirituale suorum: quia ubi non est vis, nec fraus, nec deceptio in inductione, nec culpa contra officium, injuria non est, quippe quæ scienti ac sponte volenti fieri nequit. Talis tamen tenetur ex charitate, plusquam alii, curare ut alter convertatur; nam charitas & æquitas exigit, ut is, qui malo suo exemplo vel consilio alium pervertit, curet præ cæteris, ut convertatur. Si quis tamen etiam solo consilio, vel precibus induxisset alterum in peccatum injustitiæ contra tertium, peccavit contra justitiam: nam inducens peccat contra virtutem, cui opponitur peccatum, ad quod inducit, & in defectum inducti tenetur ei tertio de danno, quilibet enim habet jūs, ne quis positivè coope.

cooperetur ad ejus damnum , sine ejus consensu , vel sine justa causa , & auctoritate.

*Q. 3. An qui avertit aliquem à Religione , tenetur ad aliquam restitutionem ?*

*Resp. I.* Qui vi , metu , calumniâ , fraude , mendacio , alióve modo injusto impedit , vel avertit aliquem à Relig'onis ingressu , aut professione , peccat graviter contra justitiam , & tenetur vim , ac fraudem tollere , & ei suadere ingressum , seu redditum , & Monasterio compensare , quanti valebat spes commodi temporalis , quod ex ipsius donatione , labore , ac industria expečtabatur , si iniustè abduc̄tus non fuisset . *Est communis.* quia utrique fecit injuriam damnosam ; nam quisque habet jus strictum , ne viâ iniusta bonum eius immediatur . Talis tamen seductor non tenetur ipse Religionem ingredi : tum quia fortè non est aptus ; tum quia status Religionis , cùm sit status perfectionis , requirit Dei vocationem , & nullus ad illum , nisi spontè volens , admitti debet .

*Resp. II.* Ex communi , qui alterum sine vi , fraude , mendacio , aliáve viâ iniusta , sed sine iusta causa avertit à Religionis ingressu , vel professione , non tenetur ad restitutionem ; quia nemini fecit iniuriam . Sed peccat contra charitatem , retrahendo eum sine iusta causa à maximo bono , & constat , ex Trident. sess. 25. cap. 18. ubi excommunicat . *Eos qui san-*

O 3 dam